

UNIT 3: SEBELUM KELAHIRAN NABI MUHAMMAD

2 PERISTIWA PENTING SEBELUM KELAHIRAN NABI MUHAMMAD:

- 1) Peristiwa tentera bergajah
- 2) Kewafatan bapa Nabi Muhammad, Abdullah bin Abdul Muttalib

PERISTIWA TENTERA BERGAJAH:

- Berlaku pada tahun yang sama sebelum kelahiran Nabi Muhammad.
- Diketuai oleh seorang **raja di Yaman** bernama **Abrahah**.
- Pasukan **tentera bergajah** dari **Yaman** menuju ke Mekah untuk **meruntuhkan kaabah**.
- Abrahah ingin meruntuhkan kaabah kerana dia **berasa marah apabila melihat ramai orang mengunjungi kaabah** sedangkan mereka tidak mengunjungi gereja yang telah dibina oleh Abrahah.
- Ketika dalam perjalanan menuju ke Mekah, Allah telah mengutuskan sekumpulan **burung Ababil** untuk memusnahkan tentera bergajah dengan **melontarkan batu yang panas**(berapi) ke atas mereka semua.
- Peristiwa ini diceritakan di dalam surah Al-Fiil.

KEWAFATAN ABDULLAH BIN ABDUL MUTTALIB:

- Abdullah bin Abdul Muttalib merupakan seorang usahawan.
- Abdullah **meninggal dunia** ketika dalam **perjalanan pulang dari berniaga di Syam**.
- Jenazah Abdullah **dikebumikan di Yasrib** (Madinah).
- Aminah binti Wahab **sedang mengandungkan** Nabi Muhammad ketika Abdullah meninggal dunia.
- Abdullah tidak sempat melihat Nabi Muhammad kerana baginda masih belum dilahirkan.